

vund 2. pfund Terpentin oder Gloria zerlaß es alles in einem
 Kessel/ vnd rühre wol vnder ein anderen / als dann thu Büch-
 senpulver darauff vnd rühre es auch wol vnder ein anderen / daß
 das Pulver gleych darinn vermische ist / demnach nimbe ein
 Steinkuglen die zwen zwerch finger breit zu klein in den Mörs-
 sel ist / vnd tunc den Stein zu ring vmb in den vorgeschriben
 nen zeug/darnach nimbe ihn herauf/ vnd laß den zeug daran er-
 kalten / darnach dunc den Stein aber darein / wie zuvor / das
 thu so lang biß der Stein recht in den Mörsel ist / darnach lad
 die Büchsen mit Pulver wie du gelehrt bist / so du ein flos in die
 Kammer auff das Pulver schlagen wilt/mußt du ein Loch dar-
 durchboren / daß das Feuer von dem Pulver in der Büchsen
 oder Böler/dardurch in dem Stein kommen mag/ darnach leg
 den Stein darfür / vnd an dem end / da der Stein an den flos
 in der Büchs rühren sol/da kraß mit einem Messer etwan man-
 chen kraß darein/ vnd säye Büchsenpulver in die kreß/
 darnach verstopff den Stein gar wol / wana
 du den Mörsel anzündst so wirdt
 die Kugel auch brün-
 nend.

Das

